

Lihat Bagaimana Gereja Yesus Kristus Akan #TerangiDunia Pada Hari Krismas Ini di Asia

Dalam masa keperluan besar sedunia ini, Gereja Yesus Kristus Orang Suci Zaman Akhir menggalakkan orang ramai untuk membawa cahaya kepada dunia pada musim Krismas ini melalui pelayanan yang mudah dan bermakna.

“Dalam masa-masa unik dan mencabar ini, kita mempunyai kesempatan untuk membuat perbezaan dalam cara yang kecil dan bersahaja,” kata Elder Marcus B. Nash, Penguasa Umum Tujuh Puluh. “Kita boleh menjadi cahaya yang menerangi dunia. Kami menjemput semua untuk menyertai kami dalam musim Krismas ini dan terangi dunia, seorang dalam satu masa, satu demi satu, seperti Juruselamat lakukan. Bersama, kita akan mengakhiri 2020 dengan semangat yang positif.

Yesus Kristus, yang kelahiran-Nya disambut pada musim istimewa ini, “pergi ke serata tempat untuk berbuat baik” (Kisah Rasul-Rasul 10:38). Mengikuti jejak-Nya, Orang Suci percaya bahawa banyak kebaikan dalam dunia yang boleh dicapai melalui hati dan tangan para lelaki dan wanita yang baik.

Bermula pada **1 Disember**, Gereja di Asia akan menyediakan idea-idea pelayanan #TerangiDunia dalam talian. Cadangan-cadangan ini termasuklah:

- Peluang sukarela di negara anda
- Keupayaan untuk menderma secara langsung kepada Latter-day Saint Charities atau badan kebajikan tempatan pilihan anda.
- Kalendar harian tentang 25 cara mudah untuk melayani orang lain

Di media sosial poskan tentang pelayanan tersebut, Gereja menggalakkan penggunaan hashtag **#TerangiDunia**.

“Inisiatif #TerangiDunia... menyediakan banyak kesempatan untuk memberi dan berkongsi harapan, kedamaian dan kasih Juruselamat kita Yesus Kristus, yang tidak terhingga,” kata Elder Nash. “Kami galakkan orang ramai untuk bertimbang rasa semasa mereka menentukan cara memberi terbaik dalam musim perayaan ini.”

Semua yang telah menerima berkat-berkat dari Tuhan mempunyai kesempatan berkongsi kesyukuran mereka untuk kurnia-kurnia Tuhan dengan membantu mereka yang dalam keperluan.

Pada Krismas ini, individu dan keluarga sekali lagi boleh menikmati penceritaan kelahiran Yesus seperti yang digambarkan dalam video selama 18 minit, [“The Christ Child.”](#)